



Politica

7514. Jus.



Instructio (secretissima) gallo-Britanno-
Batava, Frederico V. Comiti Pala-
tino Electori data. - Ex gallico con-
versa.

1620.



SECRETIS-
SIMA INSTRV-
CTIO, GALLO-BRITAN-
NO-BATAVA, FRIDERICO V.
COMITI PALATINO ELE-
CTORI DATA:




EX GALLICO
CONVERSA, AC BONO
publico, in lucem euulgata.

ANNO M. DC. XX.

SECRETIS
SMA INSTRA
CTIO GALLO-BRITAN
NORATAVA ERIDRICO V
COMITI PALATINO LL
CLOM DATA



EX GALlico
CONFRAT. AC BONO
Profructu in faciem unigenitae
ANNO M.DC. XX.



SECRETISSIMA INSTRVCTIO, GALLO-BRI-

TANNO-BATAVA, FRIDERICO V.

Comiti Palatino Electo.

ri data.

I.



ERENISSIME PRIN-
CEPS, alumne charissime, à
fidelissimo tuo Educatore, ex-
ercitato Milite, & Versatissimo
Politico, documenta non quotidiana
cape: His seruatis, te seruabis: hisce re-
gna Britannix vnita, Hollandia defen-
sa, Galliarum Reges in officio retenti
sunt: Hisce tu Casarem compefces,

Cæsar eris. Audi Educatorem, Magistrum, Clientem, cuius salus ex
tua salute pendet, secreta, sed seria consilia suggerentem. A puero di-
dicisti inter consilium & adulationem quid intersit. Cauebis autem,
ne ad alios arcana hæc imperij perferantur, quæ si inimici tui rese-
nerint, iam tu periisti.

II.

LActa est alea, transisti Rubiconem, tenendum est in-
stitutum: cadere iam de fastigio tua maiestas potest, descendere
non potest: Inter pares, vinere par non potest, qui pares oppressit:
aut omnes etiam tuæ potentix adiutores opprimendi sunt, aut to-

num perdendum. Pauci reges ab hostibus, multi ab æmulis, & quondam fidei, plerique ab intimis trucidati sunt. Alexandri tota progenies cæsa est ab Alexandri Ducibus. Hæc tecum perpendes, & Historicum tuum rogabis.

III.

TVo in regno, si vnquam in vlllo, non est minor, sed maior virtus, quàm quætere, parta tueri: maior inquam, nam sine tuo labore, tuorum astu, versutijisque, tibi sunt omnia parta: vno verbo, si fateri inter secretissima arcana licet, Errore factus es Rex. At toto corpore tuarum ditionum sociorumque defendendum est, quod accepisti. Numerà à Iulio Cæsare vsque ad Ferdinandum, inter centum, qui regna per vim occuparunt, non sunt quatuor, qui non eadem perdiderint, & cum tota familia perierint. Inter magnos Reges, paucissimi suo die defuncti: Inter quinquaginta Cæsares, quare tres, qui post multas seditiones, non dederint sanguinem inuidiæ vel odio. Inter Bohemiæ Reges, duo solum sine rebellionē regnarunt. Tu quorum locum tenes, pericula expauesce; Gladium contra Cæsarem sumpisti, gladium non modò Cæsaris, sed cuiuscunque time: Dominus est vitæ tuæ, quisquis contemtor est suæ: Immò tanquam de inuasore & prædone triumphabit, quisquis te occiderit. Cautionem iraque à nobis, magnificentiam ab aulicis discas, fortunam ex defunctis, atque vtinam legendo, non expectando.

IV.

TRia igitur hoc rerum statu circumspicies hominum genera: Hostes apertos, Amicos veros, & qui sunt vel ficti amici, vel tecti hostes, quos omnes inter Dubios numeramus.

V.

Hostes aperti sunt, Domus Austriaca, Pontifex, Italiani, & qui his sine fraude ac fūco ingenuè adhærent. Contra hos opus est tibi, sumptu magno, diuturno, Ducibus magnis, fidisq; milite perpetuo: quia hæc illis adsunt; sæpius vinci possunt, tardè debellari possunt. Nosti Hannibalem tribus magnis, decem mediocribus prælijs victorem, tandem bello victum, vestigalem, exulem, veneno tot decora perdidisse.

VI. Pares

VI.

PAres sumptus, viresque, apertis hostibus non habes, idèd à fœderatis petenda sunt: in quo multa pericula. Primùm ne grauentur impendijs. Secundò ne de recompensatione desperent. Tertiò ne casu aduerso frangantur. Quartò ne inter se dissentiant. Quintò ne alio bello implicentur. Sextò ne illis tua potentia inuidiosa reddatur. Denique ne quauis ex causa, multi dissentientes, & quorum proposita contraria sunt, te deserant. Hæc exemplis te tua Germania tempore Caroli V. docuit, cum Principes prodiderunt Ciuitates. Valde itaque considerandum, quomodo par hostibus esse possis.

VII.

NEquè solùm hostium, quæ modo est, potentiam expendas velim, sed eam, quam extrema pericula, vel desperatio efficere potest. Qui vincitur, & magno animo est, vndique arma habere potest. Quid si Ferdinandus, Leopoldus, Carolus, alij, extrema tentent? Si iura sua Venetis transcribant? Si Magnatibus Poloniz, vel illi Regno, Lusatiam, Silesiam, Morauiam tradant? Quid si ius suum non dico Hispano, aut Franco, sed cuiuis alteri offerant? Quid si fœderum vigore, vltro oblata à Turcis auxilia accipiant, vnde tu & Gabor petiisti? Putas Turcam tam speciosam causam deferenturum? Quid si Hispanus cum Turca pacem faciat? Quid si Istriam, Carniolam, Carinthiamque Venetis diuendant? Itaque securus esse noli. victor inexpectato ferieris ictu. Miserorum est industria: nunquam alto sanguini deest miseratio, nunquam afflictis auxilium. Sed quid me diffundo? ferieris, à quo minimè putabas.

VIII.

DE Amicis, scito paucos esse tibi: Socer, Vxor, Dux Bullionius, quidam agnati, Frater, si coluntur, amici sunt: ceteri fortunam tuam venerantur, suæ spei, suæ promotionis sunt amici, quibus nisi tu satisfacias, & citò ac vberim satisfacias, experieris proditores ac transfugas. Quotus enim quisque te tuâ, non suâ causâ securus est? quotus quisque recedens, tibi non maledicit? Sed de amicis tuis speciatim considera.

A 3

IX. Bo-

Bohemi amici nequaquam sunt. Id verius, quàm credibilius est, senties id tamen, vbi acta perpenderis. Primum non honoris tui causâ, sed necessitate compulsi, Te Regem dixere, & quidem à Saxone Bauaroque repudiati; & magna tamen concertatio fuit, ne Saxonem inuitum præferrent, aut Gabrielem. Deinde liberi esse statuerant more Hollandiæ, & Venetiarum, & iam Helueticas Respublicas meditabantur, sed positi inter Duces & Reges, cum viderent subsidia non dari à Principibus, in tam pernicioso exemplo, cum etiam aduerterent, in electione Imperatoriâ, rationem Statuum non haberi, sed Regis, non inconsultum arbitrati sunt, ceremoniali coronatione sibi auxilia parare.

Tertiò clarius etiam odij sui signum in te iam ostendunt, cum eas tibi conditiones ferunt regnandi, quas moderati Domini mancipijs imponere vix solent. In omnia eorum acta agendaque iurare cogitis: si delinquas, ipsi tui sunt actores, testes, Iudices, fortè & precipitatores. Bellum tu gerere, scribere militem, ijs inuitis, non potes; illi sine te, & contra te possunt: Armamentaria habere tibi non licet, illi habere volunt. Denique eorum Senatusconsultis subscribere cogitis, etiam in tuum, & tuorum opprobrium, etiam contra tuam salutem; ni faxis, Rex non eris. Neque te moueant blanditiæ & obsequia: plus affectat in huiusmodi rebus simulatio & ostentatio, quàm veritas & amicitia faciant. Fictioni multis opus est tegumentis, ne pateat. caue igitur illis credas. Naturam eorum perdisce: inter vapores cereuicis, ruculique, iam saturi & oppleti deliberant; atque ad ea, quæ cogitarunt, efficienda, præcipientes sunt celerisque. Bohemia indigenis Regibus semper nouerca fuit, tibi extero, ne spera matrem fore. Dum alios timet, dum à te sperat, paulum interquiescit, te si timere coeperit, à te si sperare desierit, redibit ad ingenium.

X.

Cum igitur Bohemi naturâ sint asperi, efferi, contumaces, in consilijs abrupti, in executione inopinati, rectè facies, si te nondum Regem esse, nec ipsos, tuos subditos, arbitreris.

Arborem te esse cogita, quæ non radicibus fixa, suis ipsa membris firmetur in terram depresso, sed quam fulcra & statumina sustentant externa, quorum nonnulla de facili succidi & abrumpi possunt. Perpende nullam esse diuturnam potentiam, quæ suis viribus

nixa non est. Tuum imperium, non nisi consensu parentium, validum esse potest: at consensus ille momentaneus volubilisque est. Experieris, vbi Austriacos timere desierint, vbi tributa exegeris, vbi supplicia decreueris. Immo non obscure te Lutherani & Hussitæ detestantur, Saxonemque respectant, vt suæ libertatis vindicem. Nec defuerunt, qui censuerint, te puerum coronandum & tollendum, vt Augustum Cicero laudandum & tollendum dixit. Tu ne committe, vt tolli possis.

XI.

HÆc vt penitus peruideas, cognatum Mauricium & Hollandos specta. Nemo ab hominum memoriâ periculosius, feliciusque pro patria gessit bella, quàm Mauritius: nemo paternâ memoriâ gratiosior fuit: in nullum maior ciuitatum affectus fuit. quæ enim non dixerunt feceruntque, cum triumphantem exciperent? quæ non dederunt pollicitique sunt, cum etiam Virgines nudas publicitus offerrent. Nunc verò nisi occupasset facinus, ille cadaver esset, regnaret Barneuelcius. Causa est, perpetuum certamen inter libertatem & regnum. Eadem est in Bohemia. Tu cupis esse Rex absolutus, non larua Regis. cupis omnes tibi subditos esse: illi cupiunt esse maximè liberi, nec Regem quicquam, nisi quod illi volunt, posse. Dum igitur illi immoderatam petunt libertatem Regibus dominantem, Tu non precarium, sed obnoxium in subditis obsequium, necesse est motus oriri, vt nunc videmus in Belgio, vbi omnia tentantur, nec tamen magnis multorum odijs vlla potentia par inueniatur. Itaque præstabit Belgium totum in seruitutem rapere, quàm tam anxio imperio tenere. quod nunc mutatis, pro conditiōe temporum, magistratibus, feliciter inchoatum est.

XII.

Venio ad alios amicos, quos difficulter inuenies, si iudicaueris Bohemos amicos non esse. Gabor Transsylvanus tibi amicus non est, sed odio Cæsaris, & timore, fœdus tecum pepigit, vt dum te obijcit periculis, ille Hungariam teneat munitaque Bohemiæ regnum & ille affectauit, sed spe suâ frustratus, ringitur, quod tecum hanc partiri prædam debeat; cum primum poterit, quod dimisit inuitus, omni conatu recuperare contendet. Suâ te Regem factum iactat operâ, præmia petit; Nouit is probè, non posse

posse Hungariam, contra Turcas, Tartaros, Venetos, Polonos, ipsos Hungaros, à se defendi, nisi alijs Regnis Prouincijsque adiectis. Bohemiam itaque, additasque illi ditiones, suæ Coronæ esse necessarias non immeritò putat. Cum verdus eligendi Regis in Bohemia Proceres sibi vendicent, non difficulter in suam sententiam hos pelliciet, facietque tibi, quod tu Ferdinando, & quod ipse Domui Austriacæ. Immo si Cæsar illi Hungariam in feudum donet, nisi à moribus suis degenerauerit, omnibus paratus erit contendere viribus, vt Bohemia Austriacis restitatur.

XIII.

Multò minus Turcam fidum amicumque existimabis. Iucundissimum ille sibi, in vestibulo Portæ suæ, spectaculum de vestris pugnis exhibet: Victor pariter & victus præda eritis. Sic arietes, spectante lupo & inhiante, concurrunt: Sic galli gallinæ, plaudente aquila, præliantur. Axioma Turcarum est, nulli Christiano, nisi commodi sui causâ, amicum esse. Nullum hætenus bello, si omnes euoluas annales, iuuit, quem non in miserandam redegerit seruitutem, fidem sola vtilitate ac quaestu metitur. Tot opum ac virorum impendijs pro Hungariâ depugnauit, toto Europæ corpore illa defensa est: At

----- Quod optanti promittere nemo
Auderet, voluenda dies en obtulit ultro.

Sine sanguine, sine sumptu, Hungariam tenet, per vasallum fidum possidet, tributum accipit, ius traducendi exercitus habet. In Morauiam, Bohemiam, Sileciamque, & si non statim mouerit, tu semper eum expectabis. Nam Gabriel eius præsidio Transyluaniam obtinet, eiusdem, Hungariam occupat, Bassæ subsidio militem paratum habent, vocati & inuocati aderunt, Vrbes pro cautione ac pignore, vt Lippam in Transyluaniam, accipient.

An tu fore speras, vt Turca suis moribus non vtatur? cur tam perfidè, atrociter, periculoseque Germaniæ imperium infestauit, si nunc te securè regnantem sinet? At seruet sanè fidem, at tu illi credere nequaquam debes, quia nunquam hætenus seruauit fidem. Legationes igitur tuas, quas partim præmisisti Constantinopolim, partim nunc adornas, profusa etiam donaria, quibus Turcas demereris, subiectionis tuæ Symbola erunt, securitatis vades non erunt. Hoc sanè

Hoc sanè horrendum est, Regnum tuum, cum primum violare fidem visum illi fuerit, in eius fore potestate. si ad altam te portam suam vocauerit, eundem esse. Si vt arma Turcicis coniuncta contra quempiam Christianum conuertas, iusserit, idem facere cogèris, quod ante biennium, tuus Gabor fecit, contra Polonos exercitum suum, Duce Schender Bassa, expediendo. Nec insolitum tibi videri poterit, si fidem Turca fallat, cum ipse, vt de Gabor raceam, tot modis, iusiurandum & fidem regnandi causâ violaueris, & exemplum contra te dederis. Ego verò puto Turcam & tibi & Gabrielem tunc fore infestiores, quum vos felices putabatis. Nam Turca hæcenus id egit, vt discordijs Christianorum rem stabiliret suam, nunc si Te, Gabrielem, Venetos, ac Principes quosdam Germaniæ concordēs videris, sibi timebit: Itaque pulsus Austriacis, vos dissipabit, disiunctos inuadet, Te per Gabrielem, Venetos per alios vastabit,

XIV.

QUæ de Turcis, deque Tuo Transyluano Gabor attigi, vt vberius nôris, iuuat, cognosces autem ex litterarum copijs fideliter ex originali transcrip̃tis. Disces sanè ex illis artem cum Turcis tractandi, nec pudeat pigeatque à Veterano, quiq̃ te magnam virilis ætatis partem apud Turcas contriuit, tyronem in hac palastrâ discere. Sed & intelliges distinctè, quem in scopum curas cogitationesque suas Gabor direxerit. Vt autem promptius assequaris, quæ prioribus litteris habentur: Scire debes, Gabrielem Tuum, contra Principem ac Dominum suum, validum Turcarum exercitum, in ipsa Transyluania viscera duxisse, eaque miserandum in modum vastata direptaque, sublato Gabriele Barthoreo, Principatum sibi firmasse. Turcas, multis Christianorum millibus in diram seruitutem abluçtis, Transyluaniam excessiss̃. Vt igitur nauata operæ promissa iamdudam præmia, Turcis exsoluerentur, collectis omnibus Transyluanie viribus, bellum contra sanguinem suum mouit, quas Turcis promiserat arces, valida Christianæ Reipub. præsidia, iisdem consignaturus. Præsidarij tantum facinus auersati, cedere noluerunt, sed muris vitætorum delectis ac dissipatis, Lipa in primis, moenibus eiuncta, ac duplici arce munita, deinde Solymos, Eperies, Totuaraggya, Margita, Monostor, Arad, Syri, Faesat, occupata, Turcisque in manus tradita, longèque maior tractus Hungariæ Turcis


hæc deditiois ratione cessit, quàm sedecennali superiorum annorum bello, ab iisdem fuerit occupatus.

Post hunc tam heroicum (Turcicæ videlicet seruituti nobilissimam prouinciæ portionem mancipando) actum, ad Vezirum Nakas; Hassanem Bassam, priores litteras ex castris ad Lippam positissimas scripsit: Posteriores Vndenam, quauē occasione dederit, ex ipsis percipies.

EXEMPLVM

LITTERARVM BETLEMI

GABOR ad Vezirum Nakas; Hassanem Bassam.

pectabilis ac Magnifice Vizir Bassa, mihi semper beneuole, honorande Domine; Deus Vestram Magnificentiam conseruet, fortunatam reddat, & vnum ipsius diem in terris, in multa millia propagando, in seruitijs potentissimi inuidissimique Cæsaris, beatâ prosperitate exornet.

Ab annis compluribus inter nostrum potentissimum inuidissimumque Cæsarem, & regnum Transyluanicæ, alienationes disceptationesque intercurrerunt, ob adeptam nec redditam Lippam. Diffiteri non possumus, plurimas easque iustas ac euidentes causas fuisse, ob quas nec Regnum, nec qui hucusque fuere Principes, adduci potuerunt, vt eam redderent. Nam ex quo priscorum Hungarorum progenitores, relicta Scythia, ferro absumptis harum terrarum incolis, Regnum acquisuerunt, nullo vnquam tempore, vel auditum, vel lectum alicui, quod gens Hungarica, non dico, Arces, Ciuitates, tractus integros, sed vel palmum terre, sine armis, sine sanguine, sine cæde, gratis alicui concessisset. Ex quo autem gens Othomannica contra Hungaros bella gerit, quacunq; in arce soli Hungari

gari milites fuere, quantumvis validâ impressione premerentur; haud sese dederunt, ad vnum omnes internecione deleri pro defensione patriæ maluerunt. Testantur id Alba Græca, Temesuar, Gyula, Szigetum.

Nunc nostræ actiones, & aduersus potentissimum Imperatorem declarata sincera fidelitas, longè aliter habent. Nam vt in potentissimum Imperatorem, veram fidelitatem nostram, restitutione arcis Lippæ, comprobaremus, ob practicas plurimorum Germanizantium, accedente præsidiorum rebellione, & exercituum nostrorum multiplici difficultate, multorum insignium militum nostrorum sanguinis ac vitæ profusione, Ciuitatem assaltu, Arcem validâ impressione occupauimus, vt vel hac ratione potentissimo Imperatori gratificaremur. Interea ex parte Germanorum, tametsi sub pacis prætextu multa donatiua deferantur potentissimo Imperatori, alia tamen ex parte Georgium Homonnai in Transsylvaniam, Sorban Waiuodam in Walachiam, valido exercitu instructos expediuerunt. In subsidium quoque arcis Lippæ (ne videlicet reddi illa per nos possit potentissimo Imperatori) ad instantiam præsidiorum, validus contra nos exercitus fuit expeditus. Verum nos, accelerato itinere, illius aduentum præuertimus, & iam ciuitatem occupaueramus, cum hac auxilia superuenerunt. Interim & arcis oppugnationem vrgendo, & contra aduentantes in campis depugnando, Deo adiutore contra virosque feliciter rem gessimus. Arce igitur occupatâ & euacuatâ, iuxta clementis mandatum potentissimi Imperatoris, Lippam vnâ cum quinque arcibus & castellis ad eam spectantibus, nos ipsi in manus Beglerbegi Temesuaricensis, Spectabilis ac Magnifici Mehmet Baisæ, consignauimus.


Ob hanc æternâ memoriâ dignam fidelitatis nostræ declarationem, cui parem nemo huc vsque in tota natione Hungaricâ, fortè nec in aliâ, versus O. homannicam gentem exhibuit, quàm clementem protectionem, quantam bonorum affluentiam sperare debeamus à nostro clementissimo summaque dignitatis Casare, quam amicitiam benevolentiamque à Veziris, quam ab vniuersâ Musulmanicâ gente gratitudinem, ad nos, summi in primis Dei, ac per totum orbem diffusarum gentium ac nationum, perennaturo iudicio com-

mittimus. Capitis nostri, vitæque propriæ discriminè, tot insigni-
um militum nostrorum sanguine, tam grande obsequium præstiti-
mus, vel hac ratione, gratiam ac fauorem potentissimi Imperatoris
demereri satagentes. De totius negotij cursu, deque postulatis no-
stris, quæ potentissimo Imperatori representamus, Vestram Magni-
ficentiam, Orator noster, qui illic est, plenè edocebit, rogantes cum
omni affectu Magnificentiam Vestram, digna postulata nostra, suo
fauore promota velit, quod nos vnà cum nostro regno, omni grati-
tudine demereri conabimur. Deus conseruet Magnificentiam Ve-
stram diutissimè incolumem. Datum in castris nostris ad arcem
Lippam positis, die XIV. mensis Iunij, Anno M. DC. XVI.

Magnificentia Vestrae
Beneuolus, Amicus, Seruitor.

Gabriel Betlem.

POSTERIORES
LITTERÆ BETLEMI
GABOR ad Schenderem
Bassam.

 Pectabilis ac Magnifice Bassa; Bonis omni-
bus cumulet Deus Magnificentiam Vestram. Quàm
sincerè ac fraternè, quàm grato beneuoloque affectu,
conatus semper fuerim, Vestrae Magnificentiae seruire,
summus Deus mihi sit testis. Nescio tamen, quò meo merito, Ve-
stra Magnificentia, in meam perniciem, & apud splendidam portam,
& alibi, multas fodit foueas, in quas ne præcipitarer, Deus hucusque
protexit. Ego in vestram Magnificentiam nunquam deliqui, quin
potius, quantum potui, demereri laboraui, & vix non seruus ipsius
vestigalis fui. Quolibet enim anno, multa donaria, suppellectilem
argen-

argenteam, pecuniam numeratam, saltem debui, V. Magnificentia
pendere, quarum rerum testes habeo, quos producam, cum oportu-
num fuerit. Ex ijs cognoscet splendida Porta, qua ratione Vestra
Magnificentia Transsylvaniam emungat. Non solum coram, sed &
apud legatos, splendida semper verba dedit mihi Vestra Magnificen-
tia, multis iuramentis promisit benevolentiam, interim conatu om-
ni exitum meum procuravit. Hucusque dissimulaui. Litteras, qui-
bus Vestra Magnificentia, post meum ex Transsylvania abscessum,
Saxones allicit, heri accepi, quas ubi perlegissem, miratus sum vhe-
menter, quod nondum desistat Magnificentia Vestra à practicis
Transsylvanicis, cum tamen nihil iuris habeat in Transsylvaniam,
nec existimet deposuisse nos, ac negligere curam Transsylvaniæ. Ro-
go itaque Magnificentiam Vestram, à practicis huiusmodi desistat,
in Transsylvaniam ne scriptitet, certò sibi persuadeat, cum ijs, qui-
buscum cœpit, rem hanc non perficiet. Ego negotia Vestra Magni-
ficentiæ non attingo, cum id mei nō sit officij, ita nec Vestra Magni-
ficentia res meas dirigit, cum nemo ipsi hac in parte quidquam
commiserit.

Certò credat Magnificentia Vestra, quod & ego existimo me
talem esse seruitorem Cæsaris, mei clementissimi Domini, qualis est
Vestra Magnificentia. Seruiui, sed & nunc indies seruius Potentiæ
suz, cum omni iustitiâ, quod nunc vel maximè testatum feci. To-
tam siquidem Hungaricam nationem, eodem prorsus modo, quod
Transsylvaniam, ad pedes potentissimi Domini perduxì, Isti iam Sug-
Potentiæ vnâ mecum fidelissimi erunt. Maneo nunc Posonij in Re-
giâ Hungariæ, Corona in meis manibus est, Deo gratiæ, post dies
decem Hungari sibi Regem eligent. Conuenerat omnis exercitus
Ferdinandi, erant vltra sexaginta millia, ante pontes Viennenses cō-
fluximus, & magnus Deus, potentissimi Imperatoris auspicijs, Victo-
riam largitus est, profligauimus inimicum, vltra Danubium pepuli-
mus; Viennam conclusimus. Nunc exercitus nostros traicimus,
vt illos iterum inuadamus, & si Deus fauerit, Vienna quoque, pau-
cos intra dies in potestate mea erit. Totum regnum Bohemiæ, re-
gnum Morauiz, Silesiæ, potentissimo Imperatori fidum ac beneuo-
lum effecimus, eorum exercitus omnes penes me habeo, ex omnibus
Regnis Legati cum muneribus destinantur ad lucidam portam. Ta-
liter ego in seruius potentissimo Domino; Vestra autem Magnifi-

gentia clanculum vult meos subditos à me auellere, ad rebellandum inducere, ob quod certè nunquam ei seruiam. Deus sit cum Vestra Magnificèntia. Pofonij, 4. Nouemb. Anno M. DC. XIX.

XV.

Venetos ne ipsos quidem amicos arbitrare, multæ causæ sunt: Prima, Aristocratiam tuentur, & Principem non nisi in speciem habent, plebem contemnunt, Patricius sanguis solus imperio dignus censetur. Naturâ itaque inimicus est Monarchiæ eorum status, nec expedit tibi, Tuos proceres familiares esse Venetis; amorem enim Libertatis odiumque Regum addiscunt. Secunda, Veneti mali Vicini sunt, cum nullo Italico pacem colere potuerunt, nullum Vicinum habent amicum, omnium Vicinorum ipsi sunt æmulæ. Patuit id nupero ad Gradiscam bello, quo ex Hollandiâ alijsq; locis auxilia petere debuerunt. Ne dubita, nec tibi quidem erunt amici. Tertia, Tu & illi pariter dilatare regna, & Vicina imperio adijcere satagitis, non igitur diu inter corrivales pax esse poterit. Quod nunc tibi & Gabrieli blandiuntur, causâ est, quia tuo labore ac sumtu, quam maximè Austriacos atteri cupiunt, quorum magnitudini inuident, adeoque nullum Vicinum habere, quem timeant, exoptant. Itaque si vel Tua, vel Gabrielis potentia còperueniat, Ut illis sit formidanda, omnibus machinis obfistent. Olim Lusitanæ Regibus Indicam nauigationem intercludere voluere. Omnibus enim Christianis inuident se potentioribus. Turcam tolerant, eique adulantur, cum tamen ab illo & premantur & spolientur. Denique fac, ad nutum omnia ire Gabrieli, fac ipsum Turcicis copijs adiutum, Styriam, cæteraque Cæsaris occupare, & Coronæ Hungariæ adiungere, tunc demum necesse est pacem inter ipsum ac Venetos discindi. Nam ne dubites, eorum statu, Gabor illa quoque repetet, quæ Veneti ab Hungaricis olim Regibus, cum eos Turcapremere, vti occasione alienæ calamitatis, in suam nassam auerterunt. Quod si vetera noluerit mouere Litigia, certè præsentia nequaquam negliget.

Par autem Veneris erit, Transsylvaniâ, Hungariâ, Styriâ, Carinthiâ, & Austriâ vnitis, & in vasallatum Turcæ datis. Actum quidem ad nutum magnæ Portæ, peribunt nobiles Venetiæ, cum aduersus duos validos terrâ marique hostes defensorem non habebunt. Quæ omnia tam timenda sunt, quàm non sperandum est Turcam vel Gabrielem.

brielem, datâ occasione augendæ potentix, carituros prætextu violandorum fœderum, quasi non sit facturus Veneto, quod fecit Cæsari. Nec ignorant ista Veneti, sed inuidiâ in Domum Austriacam flagrant, futura pericula non æstimant. Nihil enim inuidiâ potentius, vtpote quæ seipsam consumit ac deuorat.

XVI.

IN Principibus, vrbibusque Germaniæ, quamdiu illis tecum est communis metus, spem locabis, ille vbi desierit, suas quisque res aget. Illi tantum sui defensionem & incrementa quarunt, eaque ex bonis Ecclesiasticis, alia enim quæ dones non habes: Hæc spes si decollet, bona si acceperint, cum omnibus satisfieri non possit, odisse incipient. Nam in hac diuisione, iuxta legem, tibi portionem partem applicabis, fratrique tuo, & tot Palatinis non abundantibus. Ciuitates etiam sua meritò reposcent præmia, nam pecunias gratis non exponunt. Deinde Te Vrbes Liberæ, & maximè finitimæ, valdè metuunt, vt Wormatia, Spira, Francofurtum. Iam verò si fies potentior, etiam te Noriberga, Vlma, formidare occipient. Putant enim Te sibi velle dominari, aut sanè, si velis, posse, semper enim cogitat infirmior, non quid debeat facere fortior, sed quid possit. Tertiò facilè inter Principes discordiæ bellaque oriuntur, Vrbes pleræque Senatum suum oderunt, nec dubium, vbi timor Cæsaris abfuerit, quin ciues admodum vexati hætenus, Senatores ciecturi vel occisuri sint. Nuper se Francofurtum, Wormatia, Noriberga commouit. Hic vestraliga dissoluetur.

XVII.

Hollandorum etiam amicitia cautè niteris, nisi Mauritius eos planè subegerit. Socero tuo Britanno ante duos annos diffidere cœperunt, nunc Mauritium cognatum tuum ode- runt, quia illum viam ad principatum affectare haud vanè conijciunt: Et tu quoque suspectus esse cœpisti, sed quia grauiori in Hispanum odio ardent, idcirco Tibi suppetias ferunt: Sed illi quoque ita te adiutum volunt, vt vicissim illis sis auxilio, ad occupandum Europæ imperium, quò magnis animis, & varijs adspirant artibus. Et nisi me augurium fallat, inde prima quoque mali labes socero Tuo alijfque timenda est.

XVIII. Re-

Regem igitur nouum te esse considera, certissimas multorum Regum inimicitias suscepisse, paucos habere amicos, faciendaque illa omnia, quæ nouis hominibus quondam Tullius præcepit.

XIX.

Nunc quid agendum sit vides, etsi ipse, satis per te sapis tibi, & consiliarios habes versutos callidosque, tamen & hæc nostra proderunt.

XX.

Dvabus rebus hætenus valuisti, prudentissima simulatione, dissimulationeq; Deinde celeritate. Prior ars iam vim perdidit suam, altera igitur utendum. Simulando enim & dissimulando in Europâ fallere nullum potes, Itaque artem nil profuturam desinas censeo. Extant tuæ litteræ, tam placidæ, amicæ, ambitionis expertes, ut ab ipsâ virtute scriptas esse putes, candidissimæque simplicitate. Interim cum Hollandis, Venetis, Turca, Gabriele, cunctis, qui prodesse vel obesse poterant, idem fœdus. Inopinatè rebellant Bohemi; deficiunt Silesij, Moravi, Austriaci, & quasi à machina, nouus adest è septem montibus hostis. Mihi iurati affirmarunt nec Cæsarem, nec Principes Papisticos credidisse, Te regem esse velle. Cum electus esses, perstitisti in simulatione, & res bellè successit, credo Papistas credere, te præ amore Cæsarem Bohemiâ exclusisse, sed serio. Noli arbitrari vllum Papistam esse tam fungum aut caudicem, ut credat tibi esse credendum. Quod si tibi credere se dicant, & iurent, tu credas eos Tui causâ peierare. Hoc moneo, quia manifesta simulatio odium magis exasperat. Qualis fuit illa in tuo programme, cum hostem vocares Turcam, & significares tibi animum esse contra illum tuam defendendi. Odiosum est, sic Principibus collegis stultitiam suam exprobare. Cuncti enim nōrunt, & eade re litteras Bohemorum tenent, Gabrielem, adeoque Turcam in subsidium vocatum, à quo & Polonus ab infestandâ Silesiâ deterretur. Quid igitur Tu eum hostem vocas, & auersari simulas, cum ille Tibi Dominus, fautor, auctor & conciliator regni sit? Sine illius veniâ nec Gabriel venire, nec Polonus impediri, nec Tu rex esse poteras. Cum igitur in eius te clientelam dederis, amicum fore sponderis,

lega-

legationibus missis, magna ac multa obtuleris, idque constet passim omnibus, non puto negandum. Nam Betlemum etiam Bataui nostri risere, quod contra Turcam muniendos fines dixisset, cum ipse in medio regno, Lippam, aliasque arcès vi expugnatas vltro Turcis tradiderit, cum intus in corde ac cute Turcam alat foueatque, cum Viennam Turcico iugo subiiciendam, datis ad Turcas litteris, promittat. Itaque magis auctoritati consules Tuæ, si te Turcæ dicas confœderatum, & minèris te eum adducturum. Aegrè ferent hoc vrbes Germaniæ, sed quid refert? liberè confitère, & factum esse rectè, defende, quod negari non potest.

XXI.

HUc etiam pertinet, quæ reliquo in programme est excusatio; Non enim vllum mouere poterit, si dicatur, lussam esse alieni regni occupationem, eo quod secta quædam in eo fuerit, quæ magnos Principes seduxerit. Quid enim alijs fiet regnis, si ista admittantur?

XXII.

ALtero ergo stratagemate vti perges, & præualebis, Celeritate, inquam. Itaque rectè est factum, vt in ipsa coronatione, in Bohemiâ, Moraviâ, Hungariâ, Austriâ, pressio pede hostem insequeremini. Si sic victoriâ vtemini, paucos intra menses; pedem in Germaniâ non habebit Imperator. Ex vnâ victoriâ gradum ad aliam facies. Hoc vide, ne des tempus respirandi. Decimas retine, nam reddendo timoris suspicionem præbebis, retinendo fiduciam ostentabis. Omnia occupa ante ver proximum. Habes Spiram, Moguntiam, Treuiros, ab his incipe, opes habebis & nomen, nec deerunt, qui tibi aderunt. Ver timendum est, sed confœderati Tui, maturè tibi suppetias auxiliaque submittent. Denique celeritate eâdem vteris continuè, quamuis fortè successus aliquis tibi requiem suadere possit. At scito nihil esse periculosius securitate. Itaque audacter perge, omnes moue, Gallum demereri stude, ceteros omnes. Semper aliquid inueni, quod te alacrem ostendat. Prorumpere, vbi non expectabaris.

XXIII.

Denique hoc memineris: Aut omnia, aut nihil. Hoc semper diximus, si vnum pedem Austriacæ ditionis, si vnum oppi-

oppidum Episcopatus alicuius expetis, habenda sunt omnia: facilius
cris Imperator, quàm defendas priuatus Princeps Elector aliquam
Abbatiam. Nam si parte aliqua contentus sis, ea tibi ab eo, quod non
accepisti, eripietur. Tigridis catulum rapis, mater insequetur, si v-
trumque irretias, quietà præda frueris. Diuidi regnum non potest,
totum haberi potest. Non fert duos Soles Germania.

XXIV.

HÆc communiter agenda sunt, Nunc superest, vt
memoriæ causâ, te moneamus, quomodo cum singulis agen-
dum sit, & primum cum Cæsare. Cæsarem verbis tractabis huma-
nissimis, ac fericis planè, petes, vt regnis cedat, te filium agnoscat, af-
flictißimos subditos ne turbet, Iesuitis ne credat. Eam quoque ob
causam focerit tui Britanni legatum subornasti, ac pacis concordiz-
que spem verbis ampliter ostentare rogasti. Interim omninò ma-
chinare, vt Cæsar sit in tua potestate, Sic enim Rex Romanorum ci-
tò eligeris. Verum hîc considera, quod diximus paragrapho septi-
mo. Non esse ad desperationem Austriacos redigendos, nisi simul
capi vel occidi possint. Nam extrema desperatio sæpe est causa vi-
ctoriæ. Furor arma ministrabit, & inuenient tibi hostem vndecun-
que. Tantum corpus sine sonitu non cadet, alios sternet, alios trahet.
Timeo ne si ipsi viderint, sua tueri non posse, cuius malint quàm
inimico sua dare. Nec culpare illos tu potes, si enim, vt latius regna-
res, cum Turca foedus iniisti, ipsique aditum in Germaniam aperu-
isti, quid illi non facerent, vel salutis, vel dignitatis, vel denique vltio-
nis causa.

XXV.

CVm Romanensibus, hoc est, Pontifice, Episcopis,
Clero, moderatè ages, si quid tamen accepisti, retine, ne leuiter
fecisse videaris. Ratio, quia totum hoc genus quieti deditum in Ger-
mania, & si cibum suggeras, si palpes, si colas, haud quaquam insur-
get. Vt animalia quædam, si mandræ plenæ sint, torpent, stertuntq;
innoxia, fame efferantur: Ita hîc quoque res habet. Si milites colli-
gant, ne moueare, etsi enim duplo maiorem & meliorem exercitum
habeant, nunquam te offendent, eum continebunt, se & suos con-
sumunt, tandemque tuæ se protectioni committent. At si ad despe-
ratio-

rationem illos adegeris, reperient vindictæ modum, nec morientur inulti. Brutâ etiam pro pabulo depugnant. Timeo enim, ne se dedant potentibus, oppignorent ditiones, ne Gallus aduocetur, ne alia fiant, de quibus sæpe actum est. Si enim velint, milite, pecuniâ superare poterunt, volent autem, cum eos necessitas acuit, eos virtutum & vitiorum limatissima. Itaque hoc age, vt eorum. Consiliarios facias tuos. Canonicos, Nobilesque viros attrahas, omnes enim aliquos Officiales, etiam militum Duces habent reformatæ religionis, per quos omnia expiscaberis. Cum verò indagine cinxeris, vt externa implorare haud possint auxilia, vno impetu, etiam cum puluisculo, eos exue, & opes omnibus formidandas accumula. Hoc semper time, ne illi aliquid tam inopinatum tibi inueniant, quàm tu illis inuenisti. Extrema vitabis. Veneti vt domum obruant Austriacam, tanta largiuntur, quid facient Romani Cardinales, vt se seruent? De expeditione Italicâ cælabis, nec admittes mentionem, ex improviso enim opprimenda est.

XXVI.

CUm magno Turcarum Imperatore ad Portam, per legatos Soceri, Venerorum, Hollandorum iam actum transactumque est, ne ægrè ferat se in diplomatibus tuis hostem vocari: Non enim posse alio modo illi in Germaniâ amicos parari. Interim ab eo periculum esse tibi scito. Non vrgebit sibi munitiones in Moraviâ constitui, antequam Romano Imperio inaugureris. Eò vsque etiam differas excidium Lutheranorum, quos postea, rebus tuis certò stabilitis, commodè exterminabis. Interim modum cauendi Turcas vix vllum video: Si enim vno anno delere Austriacam progeniem posses, & Germaniæ viribus te munire, deinde Gabrieli persuadere, vt ab Othomannica seruitute recedat, haud dubiè Turcæ resistere posses. At nunc Gabriel id potius agit, vt Turcæ subdat quàm plurimos, & eius Monarchiæ fines stabiliat proferatque. Quod quidem ego arbitror esse boni serui, sed miseri Regis.

Cum verò in illo metu versaris, Bassas omnibus modis, sed maxime pecuniâ conciliaris. Purpuratos aulæ tuos facies, nam munera si mittas, omnia impetrabis. idque facies, etiam si hostis sis. Nam in magno regno plus sæpe potest consiliarius, quàm Princeps. Interim verbis Turcas coles, omnia promittes, sed ita, vt nòris officium ibi nullum esse maius & potentius nummo.

XXVII.

Bohemos tuos ita tractabis, vt habeas subditos, vtq; filios tuos Reges eligant, & filios filiorum. Nam temerarium est, in mediam belli flammam se conijcere, si posteris tuis inuidia solum, non etiam regnum. quæreretur. Non facient sponte, aut sanè si facturos speras, prudentis est tamen sibi suâ prouidentia consulere, non ab æstu comitorum pendere. Subdes autem eos simulando, promouendo, remouendo.

Simulando nimirum summam securitatem & confidentiam, vt nemo propositum tuum subodorari possit. Tiberius tibi præceptor esto, qui eos, quos euertere cupiebat, summo opere honorabat, deinde securos opprimebat. Hoc scitum: quia honores pauci moderatè ferunt, ideoque semper altius ascendere, quàm oportuit, moluntur.

Promouendo tuos, immò & hostes, sed tolle in altum, vt lapsu grauiore ruant. Nemo hostem facilius vincit, quàm si in altum ducat, vade se præcipitet. Belgium & Britannia prouexit & extulit quàm multos, sed quos certò ruituros expectabat, & ceciderunt, cadet alius, qui sequitur, ac fidit. Promouea ante Tuos, quos putas fidos, alios, quos putas casuros.

XXVIII.

Remouendi sunt audaces, alterius religionis homines, libertatis amantiore, quam regno expedit.

Audaces & temerarij cauendi, quia gratiosi vulgò, & magnanimi habentur. At Regum securitas in submissione & pusillanimitate subditorum consistit. Exemplum in promptu & propè sunt.

Lutheranos & Hussitas supprimes; vt in Angliâ Puritani & Lutherani pressi sunt. Papistæ & Anabaptistæ nihil molientur, satis enim attriti sunt. Lutherani pari iure cum reformatis contendunt, Saxonem iactant, ab exteris firmantur. Itaque eos in ordinem redige, quemadmodum in Hollandiâ Remonstrantes siue Arminiani redacti sunt.

XXIX.

Modus amouendi, per speciem honoris, mandando speciosas & impendiosas functiones. Sic Turrianum in Britannia-

manniam Legatum mittes qui te potentior erit, quamdiu Bohemiam incolet, sic Mansfeldium aliò ablegabis.

Modus alius per accusatores, ut litem intendant civilem, ut calumnijs variè petant vexentque. Nunquam inter discordias decerunt occasiones: Tu sere discordias & pugnas. Qui amantes sunt libertatis, & exacto altoque ingenio, eos omnibus technis & versutijs persequere. Exemplum nuper in Batauia editum, & sanè Barneuelcium, vix totis viribus connixi, Mauritius focerque tuus occiderunt, quod tamen necessarium erat, sed hoc actum cautissimè & prouidentissimè, ut per ipsos Ordines occideretur.

XXX.

OMne periculum in regno tuo Tibi imminet à Proceribus. Hos eliminandi, deijciendi, aut etiam è medio tollendi hunc modum tene. Tres sunt ordines in Bohemiâ, Dominorum, Nobilium, & Ciuitatensium. Inter hos acerrima æmulatio est, Ciuitatenses enim ferè contemuntur. Tuum erit, primò aggredi Dominos, hoc est, Comites & Barones, Deinde Nobiles, postremò Ciuitatenses iure suo priuare: Domini erunt ferè auferendi è medio, nec mirare: Documentum Regium est; Spicas eminentes decutere. Nisi seces, secabere. Primò, qui familiares sunt Tibi, & Tuis, per idoneos homines, magnâ illos spe inflabis, ut contemnant præ se reliquos, iniuriosè agant, ideoque exosi rediantur. Deinde inter se ut contendant ac committantur, effice, si que aliquos tolle. Ciuitates interim extolle, donec per eas Nobilitatem deieceris, cui rei illa operam volentes lubentesque conferent.

Florentibus enim Proceribus precariò regnabis. Illis oppressis, Ciuitates adorièris, ad Te tuosque reuocando iudicia, Ciuium querelas contra Magistratus audiendo, curando, iuuando; Sic venies ad mutationem cribrationemque Senatorum, qualem in Hollandia nuper instituere. Vbi Senatus fuerit tuorum humorum, tandem rusticos & pauperes, tanquam popularis & Tribunicia potestatis, Ciuibus æquabis, & sine labore, sicut desiderat cor tuum, absolute dominaberis. Vno verbo: morte vel exilio trecentorum procerum, regnum tuum in tuto collocabis & stabilies.

XXXI.

NVnc præclara occasio se offert, Exercitum habes, eo domabis & tuos, Militem cole, & ex Germanis tuis habes, ipse in castris esto. Dux tuus potentior Te erit, si pro te bella gerat.

XXXII.

ÆRarium ne Status habeant, Tu semper aliquid pete, si in te transferre nō poteris, fac ut diuidant ipsi, quod haud difficulter assequeris. Denique quod caput est, Pragmā compesce.

XXXIII.

Germanos tuos Principes adorabis: Comitibus comis eris & blandus, ludes & potabis cum illis, mores eorum sic discas. Cum urbium legatis, de eorum commodis ages, & quia totas Curias inaurare non potes. Syndicos, Secretarios, & qui auctoritate præ cæteris pollent, Tuos facies, nullis impendijs parces.

Hoc suadeo, ut oportune opulentas vrbes, Noribergam, Vlmam, cæteras in tuam redigas potestatem, nam eorum opibus firmiter te communire poteris. Imitare Iul. Cæsarem, aliosque, qui complures vrbes prædæ causa diripuerunt. Non offendes ea re Principes & Nobilitatem, si & illis bolum aliquem in fauces inieceris. In Hollandiâ clandestinis nunc agitur machinis, ut Ambsterodamum sit in Mauritij potestate: tantæ enim ibi opes sunt, ut decennali bello sufficiant. Francofortum si inescare & inuadere possis, mirifice rem tuam stabilieris, Egentes & obæcati ciues, spe spoliū illiecti, lubentissime Tibi mutuas tradent operas.

Si vrbes dolo blanditijsue capere non poteris, plebeios vulgusque promiscuum concita, Tribunus plebis esto, Patriciorum fastum, insolentiam, iniurias, contumelias, ultum venire te simula. Scis, quàm id Noribergæ, Vlmæ, Francofurti, Wormatiæ, gratum sit. Urbibus occupatis, earumque nervo validus fortisque, Comites aliosque nobiles in ordinem redige, & summa illa papauerum capita prudenter demete. Non enim aliter Rex eris.

XXXIV.

ANte omnia, ne tuum cum Turcâ foedus cognoscat, aduerte, Catilinam enim patriæ, & libertatis Germanicæ proditorem dicent. Nemo enim ignorat, Turcicæ tyrannidi receptum esse, Principes & Nobilitatem è medio tollere.

Deni-

Denique in Regno, in quo nihil præter vim habes, vim exerce-
re, sed mistam dolis astuque, donec omnia possideas. Turcam metue,
Gabrielem caue, contra Austrios pugna. Proceres Bohemos sensim
minue, Ecclesiasticos ne time, ne ad desperationem adige. Nun-
quam bellum offensuum gerent, etiam si potentiores: Animalia
nulla leonem aggrediuntur, mille oues nunquam vnum lupum in-
uadunt, nec leonem centum boues. Tu leo es, non timebis eos, sed
vires contra hostes alios verte. Morauiam custodi, hæredibus pro-
spice. In Belgio Hispaniensi, speramus aliquot Ordinum Urbiumque
transfugia, quod si euenerit, res tuæ in tuto erunt: Sed festinandum,
nam omnes confœderati, eodem tempore, & Te Regem Germaniæ,
& Mauritium Dominum Belgij videre summis votis exoptant. Si
tamdiu quieuerit Gallus, haud dubiè vicimus. Iam enim Principes
urbesque vobis fœdere vnitas, vt se parent, excitauimus. Ponemus
in medio Franciæ, si possumus, Bullionium, aut eius filium, si non
possumus, quemuis, qui se nobis iunxerit.

Hic autem nunc desino, & hæc monita è media arte Politicâ de-
prompta, vt altâ mente recondas, inque vsum & actiones tuas feliciter
transferas velim. Reliqua pro re nata, vbi tempus caussa que
poscet, lubens, vti possum, vti debeo, fideliter
communicabo.

F I N I S.





Biblioteka Jagiellońska



sidr0022206

